

I V O COR PAUPERVM

ORATIO HABITA

AD S. ROM. ECCLESIAE

C A R D I N .

A GABRIELE BENIO

R O M A N O

Seminarij Rom. Clerico.



R O M Æ,

Apud Franciscum Caballum. M. DC. XXXIV.

SUPERIORVM PERMISSV.

1825
I V O
G O R T A V E R V M

Q U A T T O H A B I T A

A D S R O M E C C L E S I A E

C A R D I M

A G A R I E L B E N I O

U O M A N O

U N I V E R S I T A T I S C L A S S I C A E



S O M E

Spontaneous Collection of the

LIBRARY OF THE

EMINENTISS. PRINCIPI
FRANCISCO
CARD. BARBERINO
S. R. E. VICECAN-
VRBINATIVM LEGATO.

GABRIEL BENIVS FELICITATEM.



T cordata sit oratiuncula mea
 de IVONE pauperum corde
 dicta, non potuit non ad Te
 confugere PR. Em. qui huma-
 nitatis incredibilis, nisi de Te
 prædicaretur, artificio vnus
 corda omnium habes in ma-
 nu, & quidem dextera, atque omnium viuus in
 cordibus, quia beneficijs tuis spiritus omnium es.
 Accipe cum nouo hoc corde, quod ad aram fa-
 cilitatis tuæ mysta nouus non nouus cliens ad-
 dico, oppigneratum Tibi iam pridem meum,
 meorumque cor, puto non iniucundum mu-
 nus, quando aliquid tui sumus Vrbinatium ge-
 nus, qui Cor es omnium nostrum. Vale.



OLVISSET vtinam immortalis
munificentia Deus, vt quam libe-
ralis in pauperes, atque auri profus-
sus **I V O** fuit, tanta mihi suppete-
ret vbertas diceadi, copiaq. sermo-
nis; & accessione cum pari numero-
rior oratio profunderet Em. PP. Equi-
dem sperarem compositum ad Iu-
onis ingenium oratorem non profundere voces, sed aurum,
aut certe si voces, omnino aureas & Herculis Gallici lo-
nis longe meliores, quando ille corde per aures potitus est,
Iuonis ego ad mores aurifer per aurum illustre praesidium
vitae! vitae originem cor instillarem. Verum quoniam ab
ea dicendi felicitate sentio me pauperrimum, areaq. sum
lingua, vel ferrea, & eo nomine de Iuonis ditissima be-
neficientia, & aurea liberalitate non possum dicere, vt mol-
liorem habeam, & copiosiore linguam, Iuonem saluto
cor pauperum. Quippe amoris lingua cor est tum diser-
ta magis, cum magis tacite beneficia, si non verba facit,
& cui pro facundia fecunditas est recte factorum. Appo-
site verò nouum propono cor in ea Vrbe, quæ cor est or-
bis, & illam ante Purpuratorum Principum, Iudicumque
panegyrim, quæ vel spiritus est, vel multiplex cor vniuer-
sitis. Molitrix sapientissima rerum natura, dum præ-
claram humani corporis fabricata molem est, cor videlicet
principem, moderatoremque membrorum omnium me-
dium collocauit. An vt ne patente hostium iniurijs vita
fonte facile vita omnis aresceret? An vt ostenderet consul-
tissima mundi Dædala media tutiora summis esse? An
demum vt illustrem affinitatem cordis cum Sole, neque

225
dissimile munus demonstraret, cum sapienter, & ingenio-
se pronunciatum sit Solem esse mundi cor mobile; nec mi-
nus dicatur solide cor in humano corpore Solem videri nul-
la vertigine circumrotatum, & repetita cadendi, nascen-
diq. vicissitudine prorsus immunem. Et mirabimur Aud.
Iuonem inter pauperum cœtus commorari, pulcherrima
calamitolorum hominum corona redimiri, adesse rerum,
omnium egenis, in circumfusa quærentium opem multitu-
dine medium vivere? Illum Diuinus Amor magnus artis
fex prodigiorum in pauperum cor immutauerat, debuit
eam Viro sedem imputare, quam cordi natura tribuerat.
Sanè moueri se loco passus haud vnquã est, qui splendido
numquam caruit inopum comitatu, nisi placeat appellare
seruitium, cum & cordi membrorum vniuersitas famule-
tur, & tot habeat Christianus heros in expugnatione cœli
stipatores, quot cœli desiderio dominos, ac veluti principes
suos præstita nauiter opera deueneratur. Quoniam vero
cordis in reliquos artus imperium indulgentissimum est,
& amantis multum instar habet, dominantis exiguum,
quod imperandi genus in amoris regia discitur, adeoq. li-
bentissime, quo membra reliqua cogitant, feratur cor, par
est, vt Iuo, quo pauperum sunt concursus, illo matutri-
me conuolet, magnoq. corpori robur additurus, ac vitam
se misceat. Ergo conferta pauperum multitudo sistitur ad
Tribunal? Intermicat Iuo. Raptatur ad carceres, quia
talis non sultus aureis, infirmus inopum grex? Medius Iuo
proripitur tanto arctioribus vinculis obstrictus, quanto
acrius illigat mitissimus amor. Vbique locorum, quacum-
que fortuna præsto pauperibus est gemino nomine simili-
mus cordi, cum quod ita assiduo, fructuosoq. motu, dum
plu-

plurimis placidissime in quies opem fert, multiplex appa-
 ret, tum quod procliuior in sinistram fortunæ partem eiu-
 lantium inter turmas, & sua damna lamentantium cum li-
 quidissimæ sensu voluptatis inuehitur. Ac mihi quidem
 Iuonem contemplanti lacrimosis immixtum cœtibus, &
 suorum lacrimis stipatorum rorantem succurrit confiden-
 tius appellari posse cor pauperum, quando illorū lacrimis,
 veluti aliquo sanguine innatat; scilicet nostra quoq; memo-
 ria sanguis erāt lacrimæ de querulis, oculis, quasi de gemino
 vulnere decurrētes, & quæ lacrimæ sunt amoris sanguis; nō
 possunt non gerere vices easdem doloris in regno, vt vere
 sanguis, & soboles amoris sit ab amore numquam dissitus
 dolor. At imber ille cæruleus, & amara tempestas conci-
 dentium lacrimarum videatur nescio cui non sine procel-
 lis ingratum mare; qui vero medius emicat Iuo, gemma
 patrium in sinū vndarum abdita prædicabitur. Nihil mo-
 ror; ipsum etiam cor sanguinei, si non rubri freti lectissi-
 mam gemmam haud temere compellaueris. Tu vero lu-
 ctum omnem, meroremq; depone miserabilis inopum ma-
 nus; neque tibi potentiorum à pertinacia merue, quæ ab
 Iuone tuo videlicet corde non animaris modo, sed & obar-
 maris. Equidem cum illum video cilicino panno inuolu-
 tum, setosum, asperum, & animi splendida demissione
 contractum, satis intelligo, superq; , quantos animos faciat
 artubus suis hoc est pauperibus, quantā indicet animi vir-
 tutem hirsutum hoc molliter, & perbreue cor, sed capacita-
 tis eximie, cum vtramque cordis notam excelsæ monu-
 mentum animæ antiquitas erudita profireatur. Aristome-
 nem certe Messænum humani miraculum roboris admi-
 rari maiores nostri desierunt, vbi pilosum, & scabrum
 cor

cor in dissecto pectore repertum est. Et tamen ille trecentos viros; & quos, Deus immortalis, quos viros! nempe Lacedæmonas plures numerare solitos victorias, quam dies, neque villo viros tempore non triumphales; tantos vnus profuderat, mactauerat, deleuerat. Sed prodigij loco non habuerunt inusitatam viri fortitudinem homines sapientissimi, credo quod existimarent magnum aliquid perpetratum non esse, & concitata grandius expectatione ab illo milite, cui tot pila cor ipsum fabricauerat, quot pilos exacuebat; qui gladiolos haberet in corde, vt non posset non esse lethalis hostibus, qui vel in ipsa vitæ custodia mucronatos crines, an crinales mucrones suppellectilem nimirum mortis contineret; cuius demum laudi verti posset, quod Eretrien-sibus dedecori datum legimus *ἀνὰ τὴν ταυρίδα, μύχαϊραν μὴ ἔχειν καρδίαν δ' ἔμ' ἔχειν*. Nostrium etiam heroem, vestrum, Pauperes, cor Iuonem ad propulsandas diuitum impressiones, ad facinorosos homines deterrendos valentissimum suspicere intermitteremus, sed non amate; neque enim minus est illi iucundissimæ liberalitatis, quam inauditæ virtutis. Verum enimvero dulce cordis, & splendidum nomen comparasse se non credidit egregie cordatus Vir, nisi cuius obtinuerat locum, illius etiam vices, atque munus sustinuisset. Parum siquidem est amplissimum fortiri locum, nisi dignos ea fortuna mores, & parem virtutum cumulum præteferas: neque præclarum est in summo dignitatum fastigio collocari, at honores anteuenisse facinoribus, at decorum accessione grandi cumulasse hoc virtutis opus, hoc peridoneum ad commendandum, ad imitandum difficile, ad admirandum ingens prodigium est. At qui, dum Iuonis ingesta inquirō, sentio; quanto illustrius ille cor exhibet mu-

nere, quam loco retulerit; sentio ingentium acclamatione meritorum pronunciari cor pauperum. Nimirum intellexerat oculatissimus, quia amantissimus, Heros præclare nomenclationi plurimum deberi virtutis; ea propter satis non habuit dici se cor, nisi quæcunque in reliquos artus à corde beneficia penuntur, eadem absolutiora in pauperes sua membra conferret. Quid enim? quæ sint in nostro corpore cordis partes, quæ vis, quod officium, recensere. Sanguinem primum effingere, deinde legere, tum dispertere, postremo renuare in spiritus, quibus vniuersa corporis moles agitur; conseruare vitam æstu secundissimò, eadem humore sospitali recreare labores sunt cordis vel Herculeis triumphis inuidiosi. Hæc & his gemina peregit Iuo, confidenter affirmo. At pro sanctæ Cœlitum Parens quanta hic exurgit oratio, quam exaggeratum innascitur argumentum dicendi. Verum si de corde verba faciens totus essem lingua, cordatus ipse non crederet; in paucissima cogam seriem amplissimam rerum. Aurum quicūque prolixus in pauperes elargitur, næ ille sanguinem æque solidum, ac splendidum ingerit vitæ liberalis, quod auri prodigus. Nouimus Regem Persarū Xersem præiudicio summæ potestatis impotentissimum vite aurea donatum, forte vt intelligeret alendis innumerabilibus copijs nullos aptius apparari commeatus, quam aurum; & magni nominis Imperatorem Principi, quia non iniquæ virtutis, maximo non alium succum esse, spiritumque militiæ semel, iterum ac tertio affirmauisse proditum est memoriæ, ac litteris. Poterat iudice me succum humanæ vitæ, & vitam omnium hominum appellare. Etenim arduissima necessitudo, & affinitas vitam inter, atque aurum intercedit; vt factum ex

122
eo facillimus crediderim Ægyptio Hieroglyphico exordiū,
quo prudentissimi Sacerdotes æternitatem scilicet nullis
circumscriptam finibus vitam aureo orbe designabant; ea-
que propter consultiſſimi Vatum immortalibus epulis, &
inanium Deorum mero colorem aureum adiudicarunt.
Quin Sinicus ille veterator æternandæ vitæ præclarus enim-
vero magister pharmacum auro multo medicatum fabri-
catus est, quod præuideret auro, quamquam habeat abundè
mortis in pallore suo, vitalem inesse vim, cum illius de re-
gio ærario per summam impudentiam detracti beneficio
tam luculenter ipse, pulchreque vixisset. Adde quod cum
auro comparentur præsidia viuendi omnia, vitam ipsam
metallo omnium præstantissimo debemus, forte ut nostro-
rum nos non pudeat temporum, quibus auro constans, auro
firmata aurea plane ducetur, & pretiosa vita. Sed o tuam
Iuo beatissime salutarem munificentiam, o vitalem libera-
litatem. Illa vis auri ingens, copiosa, prolixa, quam in ege-
nos Diribitor non incuriosus diuidis nouum genus est san-
guinis ad tuendā periclitantium vitam, ad habendam mol-
lius calamitosorum manum dispertiti. Perennis origo pro-
babilium largitionum, quæ tam multa in capita per tacitos
canales deriuatur, quæſo te, quid aliud edocet, nisi te Cor
pauperum esse, cordis enim singulare munus est per cæcos
venarum meatus non obscura beneficia dispergere. Et
quamquam minime appetens laudum caput illius benefi-
centiæ ad Diuinitatem pertinere confirmet, asseram tamen
ex eo quoque Iuonis aurum sanguinem esse pauperum vitæ
salutarem, quando in auraria Diuinitatis metallico Magi-
stro Amori nouum non accidit sanguinem pro auro delo-
dere, qui ut nostræ libertatis pretium solueret manu missu-

ro Deo cruorem omnem corporati Numinis vere fessor expressit . Abde tamen artificio meliori , quam Dædaleo repositas in latebras; abde immensæ caput, Iuo, liberalitatis , quo de fonte discurrat aurifer iste supra Pactolum , & Tagum sanguis , nisi de corde beneficentissimo ? Vnum habes pauperum grande cor humano cordi splendide dissimile , quod nihil acceptum membris referre possis, expensa omnia feras, cum hausto alimento de Cælo vitalem illis succum , & excoctam vitam suppedites. Quam enim non raro Aud. prodigiola benignitate Numinis immortalis habuit Iuo , quod miserabilem , & fere morientem in turbam profunderet; quoties officina illa vitæ aurum non dedisset, nisi diuini calor amoris , qui de lapidibus creare potest filios Abraham , aut aurum , aut sanguinem arida pumice eduxisset, quem prolixa deinde manu partiret Iuo, vt manum illam liceat appellare venam , & auri , & sanguinis , & quidem, vt aiunt, portam, nisi cognita satis hæc esset , at vix ipsa donantis manus sciret, quid cogitaret, vt Christianas beneficij leges fartas, rectasq. tueretur. Etenim conatus omni ope est ne munus rumor imminueret (non creditum sane periculum) & in Senatu liberalium animarum Princeps censuit non exploratorum tantum , vt magni vir nominis credidit , verum etiam multarum artum virtutum duobus illis limitibus contineri Scire, & nesciri . Sed exitu caruit, non præmio hic labor . Scilicet imber hic vitalis de Iuone veluti corde sine murmure quidem , strepituq. prolabitur (neque enim ante se tuba cecinit religiosissimus largitor) non tamen sine nitore profluit, quia aureus est , & lucem ab ea manu nanciscitur, quæ tenebras , umbrasque beneficio parabat. Denique vitalis est

est luonis mūnificētia, & satis habet lucis, quia vitæ fortis-
ta multum est. Atque ego sic audieram Aud. sanguinem
vehiculum esse vitæ; nunc illato auro vitam inferri qui
nesciat, reuocet ille in mentem tot languentium centu-
rias, tot classes extremum spiritum ducentium, tot copias,
an populos exanimatorum, quos inuita morte inuictum
luonis aurum à summo casu, perniciēq. seruauit. Meo
quidem iudicio tum aureo inuecta curru visa est de mor-
te vitæ triumphare & quidem in sinu. I nunc & luonem
denega cor excors vnus omnium maxime, si vitæ conser-
uator est, si aurei sanguinis officina est. I male sanam
pauperiem protrude; mihi non potest non esse cordata, cui
sit Iuo pro corde. Turpem egestatem iacta; mihi sem-
per erit ingenua, semper insignis, & florentissima nobili-
tate, quando illam aureum Iuo cor bulla præstantiore con-
decorat. Tu vero vitale maxime cor debueras, quod imi-
tatum viuendi genere eras, humanum cor imitari quoque
sub fato, & artuum omnium mori postremum, vt nun-
quam careremus luone pauperum corde, qui ex ora-
culo Diuinæ sapientiæ pauperes luonis membra nobiscum sem-
per habebimus. Sed amoris artificio formatum cor trans-
ferendum ad Christi cor fuerat, vt habeat in posterum pro
corde I E S V M, qui vitam antea agens Cor pauperum
fuit.

D I X I:



A
L D V
S.